

## 01 講臺灣話若像軟空氣

蔡麗萍

五年前的彼个歇熱，我欲參加教師組閩南語朗讀比賽，想講家己去是一逝工，規氣恁阮後生做伙來去較有伴。彼當時伊讀國小四年仔，臺灣話無啥會曉，平常時仔攞用華語講話。我問伊：「阿弟仔，佢阿母來去參加朗讀比賽好無？伊隨應講：「我無愛。」我閣問伊：「哪會無愛？」伊講：「我一句話嘛袂曉講，欲去予人笑喔？」我搭胸坎共伊鼓勵講：「免驚，我教你。」就算我講規晷，伊嘛是毋肯。落尾我共講：「你若上台比賽，我就買你佢意的迤迤物予你。」聽著這句，伊隨頓頭應好，就按呢，一下歇熱阮就開始練習。

逐工早起食飯飽，錄音帶放落去開始聽，伊那看朗讀文章，我那解說予伊理解。兩禮拜了後，伊總算會曉綴咧唸，落尾熟甲會曉背。比賽彼工，因為傷緊張，煞無著等，毋過我照品照行，彼暗就恁伊去買佢意的迤迤物。

第二年我閣共招，伊第一句就問：「敢佢舊年仝款有禮物通提？」我講：「有啊！毋過今年標準愛提懸，前六名才有禮物。市賽十八个囡仔，你愛贏過十二个才有獎品，按呢你有法度無？」伊誠有信心，共我應：「好！」這擺我專工去揣參加過全國賽的老師來共教，伊一句一句唸，老師一字一字雕，連上台按怎倚、稿按怎提，感情按怎放，全部攞愛注意，這擺伊就誠認真學。

比賽彼工透早，伊問我：「阿母，我若著前三名，會當買『ipad』無？」我殘殘共決落去，講：「好！」比煞出來，伊就講：「阿母，我第三名。」我講：「哎哟，膨風水雞割無肉，成績猶未公佈你哪會知？」伊講：「我家已聽的，干焦兩個唸比我較好，所以我應該是第三名。」成績一下公佈，伊真正第三名，實在是烏斫仔貯豆油喔。

阿孫著名，阿媽上歡喜，見人就講：「阮孫真勢，著第三名；阮新婦真厲害，會教阮孫講臺灣話，會曉佢我開講、講笑談，實在足好。」其實，講臺灣話若像軟空氣，是誠自然的代誌，看個媽孫仔講甲笑哈哈，我嘛歡喜在心內。

## 02 減塑到無痕食食

韓滿

又閣來到拜六，又閣是放風吹的好日子，自細漢到 tsiàng 時，阮做環保志工攞做甲足歡喜。

這工阮規家伙仔鬥陣出去迺迺，秋風吹來誠秋清。下晡來到仁義潭，阿母佻阿媽，大家新婦感情足好的，佇駁岸頂講心事。阿爸陪我放風吹，風吹飛懸閣飛低，共阮摸咧一直走、一直撻，阮予伊弄甲足樂暢閣入迷。

後來阮一人揸一跤阿媽車的布袋仔，逐家順潭邊那行那祛糞埽。阿媽捌講：「咱做環保志工，袂使講甲規畚箕，做無一湯匙。」所致逐擺攞嘛布袋仔貯甲咧欲滇，逐家才會當倒轉去。

有一擺，阮佇厝食飯配電視，新聞報講一隻海翁死佇花蓮海邊。逐家想欲知影伊是按怎會死，就共伊的腹肚破開，竟然發現足濟糞埽袋仔。閣較予人毋甘的是，這隻海翁已經有身矣！阮逐家攞艱苦甲食袂落飯。阿媽講：「海翁是予咱人害死的，一暍兩條性命呢！可憐喔！」

阿媽用傷細領無咧穿的牛仔褲，又閣車幾若个布袋仔。阿爸講咱愛開始做「kiám-sok」的活動。我講誠怪奇！阿爸駛車攞誠慢，是按怎愛閣減速？阿媽講是減少塑膠袋仔、塑膠罐仔啦！閣講干焦減塑猶無夠，著愛做到「無痕食食」。

我聽甲霧嘎嘎？阿媽才講「無痕食食」就是逐家出外愛家己攞碗箸遮的餐具，才袂製造用一擺就擲掉的糞埽，毋管佇厝裡抑是出外食物件、啉飲料了後，攞無留一點仔痕跡落來。

頭起先阮感覺費氣費觸，隨就想著可憐的海翁，阮下決心欲認真來做。阿母佻阿媽逐擺出門買菜，攞是紮布袋仔閣園兩張廣告紙，魚佻肉用紙包，菜攞直接園入去布袋仔。阿媽會共欲擲揸揸的菜葉仔佻果子皮，埋佇厝跔邊空地仔的塗裡，後來挖來種花，花攞開甲嬌噹噹。上蓋厲害的是阮兜一禮拜才摒一擺糞埽，連一个塑膠袋仔都無！

厝邊兜足濟人呵咾阮阿媽，講阿媽若咧變魔術，共糞埽變無去矣。逐家攞來問阿媽按怎做的？阿媽像師傅咧牽師仔。阮足歡喜的，阮遮四籬圍仔不時有花草芳，連塗嘛肥肥肥。

### 03 綿仔紙佢阮滾耍笑

賴又嘉

國際紙漿欲起價矣！綿仔紙的廠商放風聲講價數欲綴咧起。這個時陣，樓頂招樓跔、厝邊招隔壁、親情五十綴咧從……是欲去佢？逐家攏從對大賣場去囉！

紙漿會當做真濟物仔，是按怎獨獨是綿仔紙上敏感？原因是咧「趕緊」的時陣無伊就袂使得所致，電視若開開，逐工攏是咧報某七賣場人畀人，相爭搶綿仔紙。騎oo-tóo-bái、駛自家用的來搬，當然是無夠看，li-á-khah和貨車攏出動矣，才是厲害。毋知的人叫是欲相戰矣，消息無夠靈通的人叫是咧搬免錢的。我這個跔手慢鈍的人煞一粒頭兩粒大？我厝裡拄好賸一包，我嘛干焦想欲佢平常時全款揸一揸綿仔紙轉去，無疑悟，熟似的架仔頂哪會空空，今，是咧按怎？

佇咱這個富裕的臺灣，民生用品講欲愛佻濟就有佻濟，生目睷嘛毋捌看過這狀況。鼻仔摸咧，閣來去別間看覓。就按呢，走過一間閣一間，也問過一舖過一舖，「無貨囉」逐間都是全款的回答。我一向誠樂觀，心內猶原想講無要緊，今仔日無，明仔載才閣來。講真的，連繼幾若工攏是加走的，我仙想都想無，是綿仔紙咧創治咱？抑是咧佢咱

滾耍笑？頭一改買物件遮忝、遮無步，真正是有錢煞無地買！

無奈何，愛敲電話討救兵囉。電話通矣，阿姊的大嚨喉空佇電話的彼引傳過來：「都叫你愛趕緊，你看，我講甲準準，這馬恁兜愛學印度人全款用倒手拭……。」當然，阿姊上尾有允我，欲救濟我一揸綿仔紙。

當當我去阿姊遐，煞予規厝間的綿仔紙驚著，竟然排規排親像咧共我攞手，閣講：「阮是咧佢你滾耍笑的。」綿仔紙啊綿仔紙，咱莫閣耍矣，敢好？

代誌過去幾若個月矣，綿仔紙真正起價矣。彼工我閣去大賣場買日用品，刁故意楚去綿仔紙的架仔看看咧，這馬綿仔紙是窒倒街，欲愛啥物牌子的都有。欲結數的時，閣送我一包綿仔紙。手提這包綿仔紙煞予我起愛笑，底當時「你」哪會予人做伴手咧送？我沿路駛車沿路笑，綿仔紙若親像嘛知影，綴我同齊笑。

## 04 我的人生，我創造。

陳美虹<sup>1</sup>

阮小弟自細漢就袂愛讀冊，定定提厝裡害去的電器用品摸東摸西，拆開來研究。爸母攞講伊讀冊毋讀冊，干焦愛烏白變東變西，後擺是欲靠啥物賺食？

爸母對困兒序細的向望阮嘛知影，毋過自細漢摸東摸西，摸出興趣，厝內大大細細的電器用品，真濟嘛攞予伊修理甲好勢好勢，替厝裡省袂少錢，實在真無簡單。

國中畢業了後，為著欲替厝裡省錢，所以小弟選擇去讀私立學校的建教合作班。別人咧讀冊的時陣伊是佇工廠咧做工課，學生困仔歡喜歇寒、歇熱會當相招出去迱迱的時，伊才轉去學校讀冊。知影家己的爸母無像別人兜遐好額，自伊讀高職了後就誠認真讀冊，逐擺攞考頭名領獎學金。高職畢業就直接去做兵，嘛毋免共厝裡提錢，實在予人感覺真貼心。

退伍了後，小弟感覺伊家己的學識無夠懸，所以就閣考二專。二專畢業了後，有興趣想欲做老師，就參加插班大學的考試，尾仔考著高雄師大。毋過彼个時陣無佹濟老師的缺，伊就直接去考國家太空中心做工程師。靠伊的專業技術佇遐做研究，是無啥困難的。

2017年八月二五，福衛五號送去美國，佇加州范登堡

空軍基地順利發射升空，這毋但是太空科技的成就，嘛是咱臺灣人的驕傲。我共伊恭喜，講伊實在真無簡單，會當參與遮爾盛大的工課，而且閣予中心派去美國做第一線的觀察人員。伊笑笑仔講：「我佹意這項工課，而且這嘛是我的本份，我只是盡家己份內的責任爾爾。一件成功的代誌是愛靠團隊的合作才會圓滿，我只是這個團隊內底一粒小小的螺絲釘啦！」

聽著伊按呢講，心內實在真感動。我嘛佹伊分享講：「恁逐家攞佇家己的工作上認真做到上周至，嘛佹團隊保持上好的連結，才有今仔日的成果。一粒小小的螺絲釘無法度發揮伊的功能，毋過佇團隊內底，若是有任何一粒螺絲釘落去，就袂當完成這個重要的任務矣！」

對阮小弟身軀頂，我看著伊靠家己的意志創造伊美好的人生！

---

<sup>1</sup>陳美虹(hông)

## 05 人急無智

顏銘志

禮拜日透早，我佢嬌某物件款好勢欲去跔山，想袂到拄出門無佻久就落雨矣！姑不而將只好翻頭，乖乖仔轉來厝裡。若甲落雨袂當跔山，就想講共房間小可摒掃咧。佇咧整理屨仔的時，看著一張阮恁兩個後生做陣去跔山的舊相片，十幾年前的景象隨浮現佇腦海中。

會記得頭一擺恁兩個後生去跔山是個今仔讀幼兒園的時陣，閣誠細漢，毋知跔山是啥款，干焦知影會當出去耍就興頤頤應好。個規路綴佇阮身邊，雖然行甲誠忝，毋過嘛行到頂懸，達成目標。第二擺，兩個嘛猶閣乖乖做陣出門。等到第三擺欲閣恁個去跔山的時，猶未出門，兩個兄弟仔就同齊喝講：「阿爸，跔山足無聊的，敢會使莫去？」我歹聲嗽講：「袂使，一定愛去！」兩個只好面憂面結、毋情毋願綴阮出門。因為按呢，兄弟仔就按呢沿路行沿路哼，一下仔講足熱，一下仔講足忝，想欲歇一下。我袂堪得個哼哼叫又閣想講：「芥菜無剝毋成欖，囡仔無教毋成人。」就不時共教示一下，爸仔囡面腔攏真歹看。阮某看這個範勢，恐驚歹收尾就出喙講：「食緊會拚破碗啦！橫直時間閣真冗，這逝路嘛無危險，咱就予個兩個那行那耍，落尾會綴來就好！」我躊躇一下仔，想講按呢嘛好，就據在個行，

較免得佇遐氣身惱命！

想袂到無插個了後，兩個兄弟仔連鞭逐蝶仔、連鞭跔佇草仔邊金金相，看著路邊焦涸涸的樹樞，兩人就做伙出力扛佇肩胛頭，那行那喝：「heh-siooh！heh-siooh！」其他的山友看個彼款古錐的模樣，逐家攏微微仔笑講：「喔！囡仔兄，真勢！咧欲到矣，加油！」聽著遐濟人共個呵咾，兩個袂輸著獎仝款，規路歡頭喜面行到頂懸歇暈的所在。

轉來到厝，阮某略仔滾耍笑共我談，講我平常時教囡仔都攏誠理性，袂烏白發性地，是按怎今仔日煞走精去？我歹勢歹勢，吐大氣講：「我嘛毋知，可能就親像人講的，水清無魚，人急無智。後擺我會較細膩咧，三思而後行，袂遐爾急性，較免得食緊拚破碗！」

## 06 泅過日月潭

蔡天享

有人講咱蹠佇臺灣，有三項一定愛做的代誌：踏玉山、騎鐵馬躉臺灣恰泅過日月潭。我平常時有佇游泳池咧泅水，就興頤頤報名欲去泅日月潭，尾仔才知影這毋但身體愛勇健，閣愛有勇氣恰堅持。

會記得彼時倚中秋，天拄拍磅仔光就起床，外口涼冷仔涼冷。沿路有看見成十歲的細漢囡仔，嘛有七八十歲的老阿伯，隨人攏歡頭喜面，誠好鬥陣，互相喝講：「催落去！」繼落來兩萬人佇水墘排列，一逝仔一逝順序 tǒm、tǒm 跳落水。人人頭戴水紅仔色的泅水帽仔，佇水裡浮咧沉咧，誠成冬節的時，阮母仔佇大鼎內底咧焗的紅圓仔。

我靠勢有練泅規冬矣，聽好「年頭飼雞栽，年尾做月內」，一聲就跳落水。雄雄想著跤底的潭水，有六層樓仔遐爾深，一時煞跤麻手軟，踢無水嘛辦無路。我親像是薛丁山去予樊梨花的捆仙索縛牢咧仝款，袂振袂動，身軀一直沉落去，強欲予海龍王招去做囡婿。尾仔規氣心情放輕鬆，毋管是田蛤仔泅，抑是死囡仔鬘，雙手扶佇咧浮枋，用跤沓沓仔踢，沿水路欣賞日月潭的風景恰四箍輾轉的人。

來泅水的有朋友鬥陣，抑是規家伙仔相招來的，嘛有公司行號頭家招辛勞來的。上特殊的是一个二十外歲，欠

跤缺手的查某囡仔。聽講伊細漢的時發燒引起敗血症，為著欲活命，醫生共伊跤恰手的頭前檪切斷。今都無跛、手拐，是欲按怎辦水咧？伊毋願放棄，堅持講好好人會當做的代誌，伊嘛欲做甲到。伊用各樣的跛手，勻聊仔共家己的身軀揀進前，毋但證明伊有才調，嘛鼓勵像我這款半上路下的人，愛有頭有尾。

這改有一百六十六个人泅無了，有的是半中途頭眩艱苦，抑是予水蟲咬著傷，嘛有的是氣力無夠煞放棄，換坐救生船離開。我泅甲糾筋兼掌腿，佇茫茫的水湧頂懸，強欲泅袂透這三公里的水路。毋過倚靠平常時操練的耐力和堅持到底的勇氣，煞尾有提著泅過日月潭的證書。我毋但是泅過日月潭，閣是泅有過的人！

## 07 手摺簿仔和手機仔

### Tēnn lók-pîn

拜六透早阮規家伙仔轉去雲林庄跋看阿公、阿媽。欲暗的時，我看阿公對褲袋仔搵一本細細本仔的冊，繼落來閣佇頂面寬寬仔咧寫字。我好玄問阿公咧創啥。阿公講這是伊的手摺簿仔啦！伊慣勢共重要的代誌記佇頂面。我看冊內面記甲密甯甯的字和號碼，笑阿公綴袂著時代矣。人這馬攏用智慧型的手機仔咧記代誌、記電話，佻方便咧！

阿公共我瞭一下，用手比我的手機仔講：「著！伊有智慧，啊你無智慧。」「是按怎？」阿公對我講：「規下晡，干焦看你坐佇椅仔頂咧耍手機仔，佻有智慧？有啦！加一對目睷啦！閣加一堆肥油啦！」啥！阿公是嫌我近視閣大箍？「我已經欲八十矣，逐工透早去田裡巡頭看尾，歇畫了去四箍圍仔行行運動咧。佇厝裡有閒就看冊、看報紙，加減仔認捌一寡智識。阿公毋是無手機仔呢！毋過彼是佇外口抑是雄雄有需要的時才會用著，有手機仔是加真方便啦！」手機仔比你彼用甲欲爛去的手摺簿仔較好用咧幾若百倍！阿公愧頭：「手摺簿仔雖然用寫的真費氣，毋過那寫那記是訓練寫字閣訓練記持喔！像恁二伯、大姑、姨婆和恁兜的電話我攏嘛會記得。無，你講看咧，這擺恁阿爸、阿母哪會專工恁轉來？」我想看覓咧？敢毋是轉來看阿

公、阿媽？」「哎！是恁叔伯阿兄娶某啦！像這種代誌阿公攏記佇咧手摺簿仔內面，三不五時咧寫咧看的時，就知影日子到未？」

阿公的話我是聽甲真歹勢，其實老師不時提醒阮逐家，手機仔好用，毋過千萬毋通予伊縛牢牢。像我轉去厝裡，先拚死共功課清彩寫予了，按呢才有法度用手機仔耍電動。阿姊嘛是牢佇手機仔咧看連續劇，閣和同學佇面冊咧看相片，連去便所嘛愛紮入去。結果阮規个心情攏佇咧手機仔遐，阿母定罵阮實在有夠讞。想想咧，有智慧的手機仔予阮成做一个袂曉運用時間的戇人啦！按呢實在真害。

阿公共手摺簿仔囷入去橐袋仔，我嘛緊共手機仔收起來：「阿公，食飽煞，我綴你去散步、運動，敢好？」

## 08 為你祝福

Lîm Giok-lîng

捌聽你講，無欲讀一般的大學，欲選擇誠有挑戰性的汽車建教合作班。這種學制在我想來，袂當佢一般因仔過多采多姿的大學生活，因為一年仔日時愛佇臺中職訓局受訓一年，考著乙級汽車修護的證照，暗時才上大學部的課程；二年仔到四年仔日時去保養廠做工課實習，暗時轉去大學上課，真正不止仔硬篤。

你拄開始去職訓局受訓的時陣，我心內真操煩毋知你敢會半途就退訓，閣愛賠錢。因為你佇厝裡真少食苦，毋過佇工廠愛受牽教磨練，嘛愛處理生活中的沓沓滴滴，目一瞞就欲轉大人，凡勢較有幫贊。

往過，你若轉來攏激恂恂，規工咧捆手機仔。若講你幾句仔就面漚面臭，我只好共喙窒咧，儘量莫有衝突。最近為著考證照，你攏留佇工廠練習到七晏八晏，才有收著你的訊息。我不時三叮嚀四吩咐，叫你冊愛讀、身體嘛著顧。受訓這一年來，我發現你有真大的轉變，總算較會曉想，知輕重，知影家己欲捏啥物。這條路雖然無好行，毋過，我為你驕傲，你無逃避抑放棄，嘛真巴結，齒根咬咧，終其尾食著甘甜的滋味。你講修理車是服務業，愛為逐家服務，所以拜六愛上班，後擺就聽候到連續假日才有通轉

來厝。我雖然心肝頭真稀微，嘛會恬恬仔祝福你。這一年你真拚勢加挈兩三張證照，感謝職訓局的老師佢教官共你教甲誠有規矩閣有出脫。

你自細漢到高中，課業攏無真出色的表現，雖然心內真想欲予人呵咾咱兜有出狀元才，毋過阿母認為你是「大格雞慢啼」。歇熱過就欲升二年仔，著愛離開阿母的身軀邊，我的心肝窟仔雖罔毋甘，嘛向望你愛會曉照顧家己。無論啥物時陣，攏愛照起工來學習。任何的智識攏是沓沓仔粒積，毋通數想欲一步登天。阿母無向望你做勢人，但願你會當跔踏實地來面對問題。落尾祝福你一切平安順序，愛會記得有閒較捷轉來看阿母，我會煮足濟你愛食的物件，等你轉來。

## 09 挈批的菩薩

張照權

逐日透早天才光，毋管透風抑落雨，銘叔仔就穿彼軀誠顯頭的服裝，笑頭笑面去郵局上班。去到工課場，就開始祛批、分批，真緊就共家己欲送的批款好勢矣。伊就隨閣去共同事鬥相共，減輕同事的工課量。銘叔仔是北港郵局內底，上蓋受歡迎的員工。

彼一日，日頭足猛、足熱，銘叔仔郵局專用的oo-tóo-bái 騎咧，彎街斡角去送批。經過北港鎮太平路，雄雄看著一位阿婆，倒佇路中央，閣佇遐一直吐，這聲若準去予對遐過的車拚著，就害矣。銘叔仔趕緊共阿婆扶去到路邊，隨敲「119」，叫救護車來救人。

救護車真緊就來到現場，銘叔仔講：「我是挈批的，拄好對遮過，看著阿婆倒佇路中央，拜託恁送阿婆去媽祖病院。等我共批送完，我就去病院陪阿婆。」

銘叔仔看救護車共阿婆載去，窻條共手中的批送完，隨趕去媽祖病院關心阿婆。聽醫生講阿婆病情有較好，伊就放心矣。毋過阿婆病床邊並無親人，銘叔仔趕緊對橐袋仔擰兩千箍銀出來，強拏予阿婆，細聲共阿婆講：「遮一屑仔，予你相添醫藥費。」

阿婆的病誠緊就好矣，等阿婆出院轉去到厝裡，厝內的人，攏誠感謝這位挈批的好人，煞毋知伊叫做啥物名，嘛毋知伊躡佇佗位。自按呢走去北港郵局，總算揣著阿婆的救命恩人——黃厚銘先生。

郵局的經理講：「厚銘兄佇郵局已經服務三十冬矣，做工課有夠認真，閣時常幫助別人，伊是阮郵局的大善人。」經理閣講：「幾年前，伊送掛號批予一位家己躡的阿桑，大聲喝咻嘛無人應聲。厚銘兄趕緊揣里長伯仔佗厝邊隔壁拚門入去，才發現阿婆已經過往幾若工矣。」

郵局特別表揚銘叔仔救人的好事，猶毋過，伊誠客氣講：「毋管啥物人若搪著這種代誌，定著會出手鬥相共。阿婆是咱的長輩，就親像家己的序大人仝款。逐家若互相幫贊，社會一定會閣較溫暖祥和。」

北港媽祖通人知，厚銘送批做好代，伊真正是「挈批的菩薩」！

## 10 中秋暝

王朝源

我是貨車司機，載貨送貨是我的工課嘛是飯碗，雖然氣象報中秋暝有風颳，毋過拄仔好有一批貨隔轉工欲對臺中港外銷，倩載貨的頭家是長期咧配合的人客，我歹勢推辭，風颳暗較艱苦嘛是著行。

平常時送貨攏有讀夜間部的後生做捆工共我鬥相共，中秋暝個同窗仔招伊鬥陣去烘肉，我也想講我家己有法度走這逝貨，就無予伊來綴車。

貨車頂懸的貨攏是紙箱仔包裝，上驚沐澹去。駛到梧棲派出所門歧口的時煞開始落霎霎仔雨，車趕緊駛倚路邊停暝，雨幔袂赴穿緊提雨帆出來炭貨，跔起跔落緊欲共貨炭予密、縛予經。

風雨愈落愈大，我手滑滑無法度摸牢，雨帆煞予風吹甲強欲飛上天，家己一个人舞規半晡，舞甲會呼雞袂歎火，連食奶的力都激出來，忝甲強欲蠅落去。一滴一滴的雨水滴佇紙箱仔頂懸，彼一跡一跡的雨水跡拄親像一支一支的針，若鑿佇我的指頭仔仝款，是疼甲撼撼鑽。萬不二車頂的貨若予雨沃澹無法度結關，毋但信用拍歹，準講我有較濟的財產嘛無夠賠，時到看欲按怎才好？我那縛那煩惱。

彼時陣真正是叫天天袂應、叫地地不靈，舞甲確實無

伊法，強欲規氣放予伊去，佇這個時陣雄雄從出兩個人影。

「你跔起去車頂懸，阮來共你鬥縛。」雷公爍爍俗風雨聲，我根本聽無個咧講啥物，毋過看個的手勢和動作，我知影個的意思參好意。

雨帆炭好勢走入去涼亭仔跔覘雨歇喘，電火跔我才看著彼對少年翁仔某，雖然有穿雨幔毋過規身軀猶是澹澹。好佳哉有個共我鬥相共，我一直共個說多謝，個那褪雨幔那講，平平出外人免遐客氣。

閱雨縫欲駛車進前，我擲一屑仔欲共個說多謝，想袂到個毋但無接受，顛倒請我食月餅俗柚仔，閣咻幾若杯好茶。

共車發動重新出發，我規身軀的衫仔褲雖然澹糊糊，毋過我一點仔都袂感覺寒，顛倒有一港溫暖對心肝底一直衝出來。

這冬的中秋節因為工課上袂拄好，無法度和厝裡的人團圓，不過煞是四十外冬來，上燒烙的一个中秋暝。